

Opuscula

Opuscula

HONOR THEOLOGICUS
OMNIVM

MAXIMUS.
VIRTUTI & SAPIENTIÆ,

Perillustri & Reverendissimi Domini,
D. JOANNIS HERCULANI
MATUSZEWIC,

Canonicorum Regularium Lateranensium, per
Minorem Poloniam, & M. D. Lithuaniam,
PRÆLATI GENERALIS,
Canonicæ Casimiriensis SS. CORPORIS CHRISTI,
PRÆPOSITI, &c. &c.

DUM
In Alma Universitate Cracoviensi,

Perillustri, Clarissimo, & Admodum Reverendo Domino,
D. M. ANDREA AUGUSTINO
CZYRZYCKOWIC,

S. Th. DOCTORE & PROFESSORE, ejusdem Facultatis DECA-
NO, Ecclesiarum Collegiarum S. FLORIANI PRÆPOSITO,
Neo-Sandecensis PRIMICERIO, &c. &c.

Almæ Universitatis Cracoviensis,

SENIORE PATRE.

In Lectorio DD. Theologorum,
Sacram Doctoratus Theologici Lauream,
Ritu Solenni insigniretur,

OB LATVS,


& à
M. FRANCISCO HIERONYMO PLUCINSKI,
Philosoph. Doctore, in Collegio Novoduorsc. Dialectices Profess. Contubernij Siczyniani Seniore.
Applausu Gratulatorio

CELEBRATVS.


Anno Domini, 1711. Die 2. Mensis Junij.

CRACOVIAE, Typis Francisci Cezary, S. R. M. Ordinarij Chalcographi.

IN GENTILITIVM STEMMA,
PERILLUSTRIS & REVERENDISSIMI DOMINI
P R Æ L A T I.



Clara Domus gestis, gestat pro Stemmate CYGNVM,
Vt potè quæ cunctis, candida semper erat,
Dulce Melos Patriæ modulando, dicitur ille :
Cantator CYGNVS, nominis ipse sui.
Hic Olor emeritus micat, inter lumina Cæli,
Gestis & meritis, pat Domus ista Polis.



HONOR THEOLOGICUS

Omnium

MAXIMUS.

Jactabundi Honorij,

Definite Diademata, fasces, purpuras, Clavas,
Scipionesq; ostentare.

Supra hæc fallibilis Deæ ostenta,
Eminentia Theologicæ Dignitatis altius eminet.
Vestro Honore, veriùs onere nil infeliciùs,
Sub quo non uno Sole, & non in uno Solo,
æstus malorum sustinetis.

Mitrâ Theologicâ nil feliciùs,
Sub qua mens Doctorum, ceu mons Olympi,
ipsis stellatis ædibus & sedibus jungitur.

Vos humanis tanquam homines,
illi Divinis, tanquam Dij immorantur.
Vos terrestria, illi Cælestia meditantur.

*Sunt etenim penna volucres illis,
quibus celsa Poli conscendunt.*

Divinâ Sapientiâ insignitus Animus,
cunctis titulorum insignibus major,
qui uno tantùm minor Jove,

dives, honoratus, pulcher, Rex deniq; Regum est.

Ad aureum malum, etiam mali Neronēs accedunt,
Theosophorum Coronâ iipotiuntur duntaxat,
quos innati stimuli, stimulant ad Virtutem & accendunt.

Honor Theologicus,

Solida ingenia amans, Ceras quidem Natalium non respicit.
tamen nihil magis quàm pigri Endimionis verticem despicit,
etiamſi illum,

in Augustis Principū cunis, ipſa Iuno lactaverit.

Dignitatum quatumvis munia, & quādo à caſibus immunia?

quæ conſtans in ſua inconstantia Præneſtina,

non uni Bellifario,

cū ei libuit, obtulit: cū ei non licuit, abſtulit.

Laurus Theologica,

nullum adverſæ ſortis fulmen metuit: quia non meruit.

Immobiliter illa huic capiti inhæret, de quo prodiit.

Hoc culmen Theologici Honoris,

jam feliciffimo paſſu attigifti,

Perilluſtris & Reverendiſſime Domine,

JOANNES HERCULANE
MATUSZEWIC,

Canonicorum Regularium Lateranenſium,
per Minorem Poloniam, & M. D. Lithuaniam,

PRÆLATE GENERALIS,

Eccleſiæ SS. CORPORIS CHRISTI

PRÆPOSITE, &c. &c.

Non ſubitò Magnus apparuiſti,

cū & Gigantes priùs exiguam Pumilionis induant formam.

Iviſti ad Apogæum Doctoralis dignitatis,

ſed certis Virtutis & Sapientiæ gradibus.

Multis Illuſtrium Natalium ſplendor, profuit ad tenebras,

cū illos Cymmeria neſaſti faſtûs circumdedit umbra.

Tibi præclarus, ex præclaris Anteceſſoribus ortus,

meridiem tam Sacri, quàm literati Honoris accendit.

Plurimi

Plurimi ex Avitis Ceris, facti Cerei in vitium flecti:
propter Majores, ô quot decrevere in minimos!

Tu ex Majoribus Virtute & ingenio maximus.
Nobiles cunæ fuerunt Tibi mobiles gradus, ad Virtutem;
Nempè quid potest esse ex optimis non bonum?
Quot doctissimos, piissimosq; Prædecessores,
tot stimulos ad omnigenæ probitatis exercitia nactus es.

Permovebat Te ad pietatem in Superos,
Ille bonæ mentis Idæa,

Acerrimus Religionis Catholicæ Assertor,

Illustrissimus & Reverendissimus Dominus,

D. MELCHIOR MATVSZEWIC,

Episcopus Samogitiæ, Proavus Tuus.

Trahebat ad augendum Domûs Nobilissimæ immortalis
gloriæ jubar,

Illustris & Magnus Dominus,

D. CASIMIRVS MATVSZEWIC,

Pincerna Minscensis, Patruus Tuus dilectissimus.

Os Divæ Themidis,

Quem toties Sarmaticus Areopagus,

Tribunalia Nostra Lechica Verum Areopagitam viderunt,
coram quo ipse Cato erubesceret.

Evolaret calamus si posset ad culmen Laudum,

Illustris, & Magnifici Domini,

D. CHRISTOPHORI MATVSZEWIC,

Parentis Tui.

Secula pariant tales Heróès,

ex utroque Cæsares,

qui domi Consi, belli Martes extiterunt.

Vtinam imitandi.

Dilectus Matri Patriæ **CHRISTOPHORVS,**

quia **CHRISTVM** ferens, bello,

bello, paceq; candidus, semper mansit & rubicundus.

Auream justè meretur Coronam,
Tuus Gentilitius lacte lotus CYGNVS,
qui semper dulce Patriæ cecinit Melos,
Olorino candori insignes auxit splendores,

Illustris Familia

Præcelsæ Parentis Tuæ,
ANNÆ ELISABETHÆ ALBINOWSKA.

Polona hæc Cornelia,

quantam laudem meretur, velex Teipso Filio.
Non sic in auro enitet gemma, ut in Tua Materna Prosapia,

Illustrissimus & Reverendissimus Dominus,

D. ANDREAS ALBINOWSKI,
Episcopus Ordonensis, Suffraganeus Vladisla-
viensis, Avunculus Tuus.

Addiderunt lucem luci,

Cognatarum Domui Tuæ Maternæ Familiarum Sydera,
PIASECCIJ, ZURAKOWSCIJ, MĘCINSKIJ, CZESCIJ,
SIEDLISCIJ, &c.

Magni hi sunt Familiæ Tuæ splendores,

Inter quos & ipsi Joves possent vel nasci, vel nosci.

Et certè in Capitolino Domus Tuæ excelsæ colle,

Templum Tibi quorumvis Honorum, in Re-
publica aperiendum pollicebantur.

Tu tamen luventam Tuam,

Humaniorib' literis, & egregijs moribus excultâ,
DEO immortalì in Hecatomben consecrâsti.

Ingressus es Sacram Canonorum Regularium

Lateranensium Religionem,

Verius dixerim beatam Sanctorum Regionem,

Cælum

Cælum terrestre, & terram Cælestem,
Verè terram promissionis.

Inde nempè,

Prima Orthodoxæ Ecclesiæ Capita,
Successores PETRI, septuaginta esse leguntur.

Archiepiscoporum numerus,
duorum millium, septingentorum quindecim
esse colligitur:

Episcoporum circiter duo millia annotantur.

Sanctorum Martyrum Canonizatorum,

Vndecim millia & sexcenti,

Sanctorum Confessorum,

quatuor millia & quingenti numerantur.

Augusta hæc AVGVSTINI Congregatio est.

Illius si antiquitatem petimus,

Fidei Christianæ coæva est.

Si de præstantia inquiremus?

innumerarum Religionum fons inexhaustus,
motivum primum & fundamentum Institutio-
num omnium, Sacrorum Ordinum existit.

Stoas, Academos, docta Prytanæa,

frustra alibi quæremus,

Ordo hic Sapiëntiæ omnigenæ Encyclopædia est.

Sancta hæc Regula, & Regularis Sanctitas,

semper maluit esse, quàm vocari.

In Casimirienſi Canonica,

SS. CORPORIS CHRISTI,

Perillustri, & Reverendissime Domine,

P R Æ L A T E.

Olorinum Rochetū Canonice, innocentis Tui animi typum,

B

Tu.

Tu ipse Olor candidissimus assumpfisti.
Basilica hæc à CASIMIRO Magno,
basilico opere exstructa,
à tot sæculis
eruditione, & Viris Sanctis est florentissima.
Non tot fabulosa Berecynthia Deos,
quot illa Divos Cælis peperit.
Hanc quondam incolens, nunc Cælum incolit,
Ille Sanctitatis Idæa,
Laurearum Academicarum insigne Decus,
D. STANISLAUS CASIMIRITANVS.
In hac vitam mortalem pro æterna commutavit,
hactenus etiam cæci terror Orci
A D A M V S S I B O V I V S.
Penes eam Sacram CORPORIS CHRISTI Ædem,
Corpora sua, pretiosa & speciosa mortalitatis suæ
Cimelia deposuerunt,
Cælestibus visionibus toties in Vita recreati,
NICOLAI de Radomsko, **JOANNES** LEBLIN, **NICO-**
LAI BIECZ, alijque sexcenti Sancti Viri.
Canonicam Casimirensem,
Mare merè dixerim,
quæ in tot fontes divisa, semper hauritur, nunquã exhauritur.
Conventibus plurimis, excultissima ingenia.
Philosophicis Cathedris, Stagyritas vel Platones,
Theologicis Exedris Aquinates,
Sacris suggestibus Diviniores Pericles, Chrysologosq; suggerit.
Majora edideret nostri seculi Genius.
Illa Principibus Cathedrarum Ecclesijs,
Scientiã, pietate, moribus, ornatissimos Canonicos,
Pontificijs Tyaris, doctissima Capita,
Senatui

Senatui Lechico, optimos Senatores subministrat.

Ille

In **STANISLAO MANIECKI, I. V. Doctore,**

Casimir: PRÆLATO, Consistorio Cracoviensi

OFFICIALEM Generalem.

In **HYACINTHO LIBERIO, S. Th. Doctore**

Verè Tullio Sacro, Diocesi Cracoviensi Librorum

Ordinarium CENSOREM.

In **GEORGIO GIEDZINSKI, Archicathe-**

drali Ecclesiæ Leopoliensi, primò Canonicum & Cancel-

larium, tandem in eodem Suffraganeum & Episcopum dedit.

In altero **STEPHANO de Giednie GIE-**

DZINSKI, S. Th. Doctore, eidem Archica-

thedrali Ecclesiæ Leopoliensi Canonicum contulit.

Ex hoc limpidissimo Canonicæ Casimiriensis fonte prodijt,

Ille Aureus Tripos Sapientiæ,

NICOLAUS WYZYCKI, Episcopus

Chelmensis, Regni Secretarius & Senator, Abbatia

Czerwenecensis Administrator perpetuus.

Porro

Non tot ex vasto Neptuni Regno, prosilière Dorides,

Nerei Palæmones;

Non tot ex busto Herculis, surrexère Phoenicenses,

Vel ex Trojano equo, armatæ manus provenièrè:

Quot ex Cracoviensi Canonicorum Regulari-

um Lateranensium Congregatione,

Præsules, Senatores, Doctores, devoti; Mystæ prodière.

Ita sub Sole Doctorem **AVGVSTINO,**

Haftenus hic Sacer Ager,

Viris doctissimis & pientissimis feracissimus est.

Quos inter

ex utroq; Cæsarem videt & invidet Orbis

Perillustrem, & Admodum Reverendum Dominum,
AQVILINVM MICHA ELEM GORCZYNSKI,
J.V. & S. Theologiae Doctorem & Professore.
Virum, ingenio, pietate, totq; doctissimis luci publicæ
datis operibus, commendatissimum.

AQVILINVM & MICHA ELEM,
hoc est Intelligentiam fat dixisse.
Sed quid per vasta Nominum spatia volitas calame?
Soli IOANNI nuntia,

quia non tres, sed omnes Gratias complexus est.
Hercules, si aureas eloquij catenas concederes,
Vt nostrum vincere liceret Herculanum.

Sed à Te vincimur & vincimur,

Perillustri & Reverendissime Domine,

P R Æ L A T E.

Qui novus Alcides,

Triumphales Tibi ubiq; figis Columnas,
quibus *Plus ultra* laborum, Virtutum, Honorumq;
Philosophica & Theosophica inscripsit Pallas.

Ligasti animos, dum solveres argumentorum nodos.

Tu ipse es argumentum ad hominem,
utpotè effigiem boni Viri, ita exhibens,
Vt Te Virtutis & eruditionis Iconē esse omnes concluderent.

Apparuit in Te mira Aristotelis subtilitas,
Aquinatisq; sublimitas,

cùm in Cursu primò Philosophico, post Theologico

Lampada præclaræ Scientiæ,

Religiosis Theopompis tradebas.

Enituit summa Sacræ Eloquentiæ vis,
quoties Caucasæa vel ferina mortalium corda
Velut alter Amphion vel Orpheus,

dulci

dulci zelosissimæ Concionis Cytharâ, leniebas, pertrahebas.

Testis est Tui Sapientissimi animi,
in rebus gerendis Argô centoculo oculatioris,
& Epidaurio serpente acutioris.

Præpositura Krasnicensis.

quam prudenti Vigilantia, & vigili prudentia,
totô Anni spatiô administrasti.

Ex qua difficilis hoc tempore regiminis Athletica,
Virtutis, & meritorum amplissimorum suffragiô,
Patrum Fratrumq; concordî voce & voto,
Ad hoc augustius fastigium Prælaturæ,
in quo nunc felix, genti electæ regnas;

Vocatus es.

Inde tantum dubium maximum facis,

Dasq; Quæstioni Materiam,
Majusne Tu ab honore recepto?
an receptus Honor à Te capiat
ornamentum?

Multi prospero abbladientis fortis successu elati,
ceu alati Icari, superbas erigunt cristas;

Supernos se loves mentiuntur,
cùm inter consortia mortalium degant.

Stare se fortiter putant,

Licet Vitreis nutantis fortunæ pedibus innitantur.

In Solia Honorum, soli vicina evecti,

infima despiciunt;

quasi non eorum aliquando esset, ima capeßlere,
qui sublimia prius tenuère.

Ignari graviore casu eos ruere,
qui montium vertices seipsis implent,
quàm qui radices collium coluere.
Non Te infecit, hæc insanientis animi labes,
Prælatus es, & tamen scis subesse.
Vt inconstantem benè Tibi fundares sortem,
in humili de Te sensu eam collocasti.
Talem Te vidit receptus Honor,
qualem & invenit.

Magna est hæc felicitatis Tuæ portio,
quòd fortissimis Herculibus, par successeris Athlas.
Adjisti Appiâ Virtutum laborumq; Viâ,
eam Sacri Tui Magistratûs Curulem,
quàm felicissimo auspiciò
CONRADVS I. Casimiriensis Canonice PRÆLATVS,
Merito non tantum ex Ordine, sed Virtute meritisq;
Primus occupavit.

JOANNES AVSTRIACVS, in Academia Pragensi,
Sacrae Theologiæ Doctor,
à suo Antecessore, solò tantum numero Secundus.
JOANNES NICZKOVIVS, J. V. Doctor,
Disciplinæ Religiosæ observantissimus,
Summâ, & prudentiâ, & pietate exornavêre.

Nulla Vos tacebit ætas,
Gemmæ Prælatorum,
GREGORI POLONE, GASPAR WADOWI,
MARTINE KŁOCZYNSKI, J. V. Doctores.
Nulla Cortina Vos teget Illustres Vmbræ.
VICTO.

VICTORIS WERESZYNSKI Vocalis fama,
adhuc posteritati, refert Victorias animorum.

Adhuc est Apparitio

MICHAELIS RVSIECKI, in Alma Vniuersitate Cracov.
Sacrae Theologiae Doctoris.

in ipsius Virtutum & Sapientiae splendoribus.

Et quidni appareat? quam Tu

Perillustis, & Reverendissime

NEO-DOCTOR,

Tuis elucidas benefactis.

Tantium Virorum succedens in locum,

Successisti & in Virtutem.

Omni probitatis circumfusus genere,

Generalis PRÆLATUS,

dici meruisti.

Vt potè Generalis e&typus probitatis.

In Polona, & Lithava Provincia,

Provinciam Sacri Magistratûs geris,

Genti Lateranensium electæ, DEOq; dilectæ

in utroq; solo felicissimè imperas.

Nempè magnitudinem Meritorum Tuorum,

Sola Minor Polonia

capere non potuit.

Tanto Honori, Honorè addit, Mater Honorum,

Veterana Sapientiae Magistra,

Regia Craci Pallas.

Patriâ Luru ab ea coronaris,
tanquàm Polonæ Aquilæ vera Soboles.

More Majorum,
Exoticas non quæfijsti Laurus,
Laurigeram Sylvâ, tot seculis stātem, tot privilegijs munitam,
in Helicone Iagellonico videndo.

A Minerva Lechica,
Hoc viridi Doctōratûs Theologici voluisti,
ornari Corymbo,
sub quo Tui Prædecessores
feliciter floruere.


Acclines ergo Laureæ Theologicæ,
Caput eruditum,
quod Virtutes erexerunt, & merita in altū Honorum evexerūt.

Sub Victrici hac fronde,
illud Persicum Tibi occino:
VIVE, FLORE, VINCE.

Adversitates cunctas triumphas,
Heros Laureate.
Ambiant Tuum Laureatum Verticem,
& Præsuleæ Vittæ,
quem Doctōrales, nunc cinxere Coronæ.



ts
e.
M
o-
m
o
es
er
ne
a-
ut
o
e-
y-
ti-
e-
.
.
.
.
.
.



22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

